

Siunnersuummut nassuiaat

Nassuiaatit nalinginnaasut

1. Aallaqqaasiut

Kalaallit Nunaanni Kommunit Kattuffiat, KANUKOKA, atorunnaarsinneqarpoq.

KANUKOKA-p kommunit soqutigisaat isumagisarismavai aammalu Inatsisartut inatsisaanni arlalinni oqartussanut sullissivinnullu, kommuninut imaluunniit innuttaasunut ataasiakkaanut pingaaruteqarsinnaasunik, Kalaallit Nunaat tamakkerlugu piginnaatitaaffinnik atuisinnaasuni, ilaasortassanik toqqaanissamut imaluunniit inassuteqarnissamut pisinnaatitaatinneqarsimalluni.

Aamma KANUKOKA-p atorunnaarsinneqareernerata kingorna kommunit oqartussani taakkunani sunniuteqarnissaasa qulakkeerneqarnissaa pingaaruteqartutut isigineqarpoq, taamaattumillu toqqaasarnermut maleruagassat allanngortinneqassasut siunnersuutigineqarpoq, taamaalilluni oqartussani taamaattuni ilaasortassanik toqqaanissamut imaluunniit inassuteqarnissamut piginnaatitaaneq kommuninit ataatsimoorunneqalissalluni. Taamaaliornikkut Inatsisartut inatsisaat aamma siunissami kommunit akunnerminni suliaqarnikkut suleqatigiinnissaannut iluaqutaassaaq, qulequttanut kommuninut tamaginnut suli pingaaruteqaannartussanut misilittakkat ilisimasallu najukkani katersorneqarsimasut iluaqutigineqarnissaat periarfissaqassalluni.

Upalungaarsimanermut suliassaqarfimmi Kalaallit Nunaanni upalungaarsimanermut ataatsimiititaliaq, Kalaallit Nunaanni annaassiniarnissamut upalungaarsimaneq aamma ikualattoornissamik qaartoornissamillu pitsaaliuinermi iliuusissat pillugit Inatsisartut inatsisaanni § 3-imi pilersinneqartoq, pineqarpoq.

Upalungaarsimanermut Ataatsimiititaliaq katitigaavoq, ataatsimiititaliap Naalakkersuisunut siunnersuina ilisimasat misilittakkallu Naalakkersuisut, kommunit, Kalaallit Nunaanni Politiit, Nakorsap Peqqinnissakkut Nakkutilliisup, Arktisk Kommandop aamma Rigsombudsmandip akornanni suleqatigiinnikkut pissarsiarineqarsinnaasut tunngavigalugit ingerlanneqartussanngorlugu.

2. Siunnersuummi immikkoortut pingaarnerit

Siunnersuutigineqarpoq, Upalungaarsimanermut Ataatsimiititaliap katitigaanerani toqqaanissamut sunniuteqarnerat attatiinnarneqassasoq ingerlateqqinneqassasorlu, taamaalilluni toqqaasinnaatitaaneq Naalakkersuisuniissanani imaluunniit kommunini ataasiakkaaniissanani, kisianni aalajangiinerni ataatsimiititaliami aalajangiiffigineqartussani kommunit soqutigisaannik isumaginnittussatut inuit kikkut kommunit inassutiginnissaat kissaatigineeraat, kommunit isumaqatigiissutigisassagaat piumasarineqarpoq. Tamanna isumaqanngilaq inassuteqaatissaq kommunit akornanni isumaqatigiissutigineqartariaqartoq.

Kommunit ataatsimoorlutik aalajangiinerat amerlanerussuteqartut akuersinerisut aalajangiunneqassaaq.

Peqatigisaanik siunnersuutigineqarpoq, ilaasortanut tamaginnut sinniisussamik toqqaasoqartassasoq, taamaalilluni ilaasortaq ataaseq arlallilluunniit pisinnaajunnaarneranni sulineq uninngaannassanani.

Tamatuma saniatigut Kalaallit Nunaanni annaassiniarnissamut upalungaarsimaneq il.il. pillugu Inatsisartut inatsisaata allanngortinneqarnissaa pillugu siunnersuummi aaqqissuinikkut ataasiakkaatigut allanngortitsisoqarpoq, tassami ”Grønlands Kommando”-mut taarsiunneqarluni ”Arktisk Kommando”, aamma ”Kalaallit Nunaanni Politimesteri” allanngortinneqarluni imatut ”Kalaallit Nunaanni Politiit”. Arktisk Kommandop piginnaatitaanerit siusinnerusukkut Statens Luftfartsvæsen-ip piginnaatitaaffigisai tigusimavai, tamatumalu malitsigisaanik inatsimmi § 10, imm. 3 allanngortinneqarpoq.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1 Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersumi, Inatsisartut inatsisaanni nr. 14, 3. december 2012-imeersumi allanngortinneqartumi, makkua allanngortinneqarput:
<p>§ 4. Upalungaarsimanermit Ataatsimiititaliaq 7-inik ilaasortaqarpoq aammalu marluk aalajangiisinnaanatik peqataasartussatut toqqaarneqassapput. Ilaasortat marluk Naalakkersuisunit toqqaarneqassapput, kiisalu KANUKOKA, Nakorsaq Peqqinnissakkut Nakkutilliisoq, Kalaallit Nunaanni Politimesteri, Grønlands Kommando aamma Kalaallit Nunaanni Rigsombudsmandi tamarmik immikkut ilaasortassamik ataatsimik toqqaassapput. Avatangiisinut peqqissutsimullu naalakkersuinikkut akisussaasut tamarmik</p>	<p>1. § 4, imm. 1 aamma 2, imatut oqaasertalerneqarput: ” § 4. Upalungaarsimanermit Ataatsimiititaliaq 7-inik ilaasortaqarpoq aammalu marluk aalajangiisinnaanatik peqataasartussatut toqqaarneqassapput. Ilaasortat marluk Naalakkersuisunit toqqaarneqassapput. Kommunit ataatsimoorlutik ilaasortamik ataatsimik toqqaassapput. Nakorsaq Peqqinnissakkut Nakkutilliisoq, Kalaallit Nunaanni Politiit, Arktisk Kommando aamma Kalaallit Nunaanni Rigsombudsmandi tamarmik</p>

<p>immikkut ataatsimik aalajangiisinnaanani peqataatinnegartussamik toqqaassapput.</p> <p><i>Imm. 2.</i> Upalungaarsimanissamut Naalakkersuisup upalungaarsimanissamut ataatsimiititaliap siulittaasua toqqaassavaa. KANUKOKA-p ataatsimiititaliami siulittaasup tullia toqqaassavaa.</p> <p><i>Imm. 3.</i> Upalungaarsimanissamut ataatsimiititaliap sulinerani aningaasartuutit tamarmik Naalakkersuisunit akilerneqartassapput.</p>	<p>immikkut ilaasortassamik ataatsimik toqqaassapput. Ilaasortanut tamaginnut taamaaqataanik sinniisussaq toqqaarneqassaaq. Avatangiisinut peqqissutsimullu naalakkersuinikkut akisussaasut tamarmik immikkut ataatsimik aalajangiisinnaanani peqataatinnegartussamik toqqaassapput.</p> <p><i>Imm. 2.</i> Upalungaarsimanissamut Naalakkersuisup upalungaarsimanissamut ataatsimiititaliap siulittaasua toqqaassavaa. Siulittaasup peqannginnerani sinniisussap siulittaasuuneq isumagissavaa. Ilaasortaq ataatsimoorluni kommuninit toqqaarneqartoq, ataatsimiititaliami siulittaasut tulliatut toqqaarneqassaaq. Ilaasortassamik inassuteqarnissaq pillugu kommunit akornanni isumaqatigiittoqarsinnaanngippat, ilaasortaq kommunit akornanni amerlanerussuteqartut toqqaaneranni toqqaarneqassaaq.”</p>
<p>§ 5, imm. 2.</p> <p><i>Imm. 2.</i> Kommunip upalungaarsimanissamut ataatsimiititaliaa, takuuk imm. 1, 6-inik ilaasortaqarpoq, taakkunannga 4-it kommunalbestyrelsimi toqqaarneqassallutik. Taakkunannga 3-it kommunalbestyrelsimi ilaasortaassapput, ilaasortaq ataaseq kommunip teknikkimut ingerlatsiviani atorfeqartuussaaq. Tamatuma saniatigut ataatsimiititaliami kommunip upalungaarsimanissamut pisortaatitaa ilaasortaassaaq aammalu ilaasortaq ataaseq Kalaallit Nunaanni Politimesterimit toqqaarneqassaaq.</p>	<p>2. § 5, imm. 2, imatut oqaasertalerneqarpoq:</p> <p>” <i>Imm. 2.</i> Kommunip upalungaarsimanissamut ataatsimiititaliaa, takuuk imm. 1, 6-inik ilaasortaqarpoq, taakkunannga 4-it kommunalbestyrelsimi toqqaarneqassallutik. Taakkunannga 3-it kommunalbestyrelsimi ilaasortaassapput, ilaasortaq ataaseq kommunip teknikkimut ingerlatsiviani atorfeqartuussaaq. Tamatuma saniatigut ataatsimiititaliami kommunip upalungaarsimanissamut pisortaatitaa ilaasortaassaaq aammalu ilaasortaq ataaseq Kalaallit Nunaanni Politiinit toqqaarneqassaaq.”</p>
<p>§ 6, imm. 2.</p> <p><i>Imm. 2.</i> Annaassiniarnissamut upalungaarsimanerup ingerlanneqarnerata isumagineqarnissaa kommunalbestyrelsip qulakkiissavaa. Aammattaaq annaassiniarnissamut upalungaarsimasunut tunngatillugu apeqqutini tamani</p>	<p>3. § 6, imm. 2, imatut oqaasertalerneqarpoq:</p> <p>” <i>Imm. 2.</i> Annaassiniarnissamut upalungaarsimanerup ingerlanneqarnerata isumagineqarnissaa kommunalbestyrelsip qulakkiissavaa. Aammattaaq annaassiniarnissamut upalungaarsimasunut</p>

<p>upalungaarsimanermut pisortap aamma inuup Kalaallit Nunaanni Politimestereqarfimmit toqqarneqartup peqataatinneqarnissaat kommunalbestyrelsip qulakkiissa vaa.</p>	<p><i>tunngatillugu apeqqutini tamani upalungaarsimanermut pisortap aamma inuup Kalaallit Nunaanni Politiinit toqqarneqartup peqataatinneqarnissaat kommunalbestyrelsip qulakkiissavaa</i>”.</p>
<p>§ 8. Annaassiniarnissamut upalungaarsimasuni sulisut Namminersorlutik Oqartussat aamma KANUKOKA-p akornanni isumaqatiginninniartoq areerneratigut maleruagassat aalajangersarneqartut tunngavigalugit akissarsiaqartinneqassapput akissaasersorneqassallutillu.</p>	<p>4. § 8 imatut oqaasertalerneqarpoq: ” § 8. Annaassiniarnissamut upalungaarsimasuni sulisut Namminersorlutik Oqartussat aamma kattuffiup isumaqatiginninniarsinnaatitaasup akornanni isumaqatiginninniartoq areerneratigut maleruagassat aalajangersarneqartut tunngavigalugit akissarsiaqartinneqassapput akissaasersorneqassallutillu.”</p>
<p>§ 10, imm. 3. <i>Imm. 3.</i> Annaassiniarnissamut upalungaarsimasut ajutoortoqarnera imaluunniit ajunaarnersuarmik pisoqarnera pissutigalugu pisariaqalerpat kommunip allap, Statens Lufthavnsvæsen-ip (RCC), Grønlands Kommando-p (MRCC) imaluunniit politiit tamatuminnga kissaateqarnerat tunngavigalugu pisariaqartunut ikiutissapput.krigshandling.</p>	<p>5. § 10, imm. 3, imatut oqaasertalerneqarpoq: ” <i>Imm. 3.</i> Annaassiniarnissamut upalungaarsimasut ajutoortoqarnera, ajunaarnersuarmik pisoqarnera imaluunniit sorsuttoqarnera pissutigalugu pisariaqalerpat kommunip allap, Arktisk Kommando-p (JRCC) imaluunniit politiit tamatuminnga kissaateqarnerat tunngavigalugu pisariaqartunut ikiutissapput.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2019 atuutilerpoq. <i>Imm. 2.</i> Ilaasortaq KANUKOKA-mit upalungaarsimanermut Ataatsimiititaliami siulittaasup tulliatut toqqagaasoq, kommunit ataatsimoorlutik nutaamik siulittaasup tullianik toqqaanissaasa tungaanut, taamatut atuunnermini ingerlaannassaaq.</p>

3. Pisortanut aningaasaqarnikkut allaffissornikkullu sunniutaasussat

Siunnersuut pisortanut aningaasaqarnikkut imaluunniit allaffissornikkut sunniuteqassanngilaq, kisianni Kalaallit Nunaanni Kommunit Kattuffiat atorunnaarsinneqaraluartoq, kommunit sunniuteqarnerisa attatiinnarneqarnissaa ingerlateqqinneqarnissaa lu qulakkeerniarneqassalluni.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut tunngasuni allanngortitsinermik malitseqassanngilaq, taamaattumillu inuussutissarsiortunut aningaasaqarnikkut allaffissornikkullu sunniuteqassanani.

5. Avatangiisinut, pinngortitamut inuillu peqqissusaannut sunniutaasussat

Siunnersuummi avatangiisit, pinngortitap aamma innuttaasut peqqissusaasa mianerineqarnerisa, kiisalu ikuallattoornissamut allanillu ajunaarnersuaqarnissamut isumannaallisaanerup maannamut isumagineqarnerisa, ingerlatiinnarneqarnissaat qulakkeerpeqassaaq.

6. Innuttaasunut sunniutaasussat

Siunnersuummi najukkami misilittakkat aammalu suliassa qarfiit, Kalaallit Nunaanni annaassiniarnermut upalungaarsimaneq il.il. pillugit Inatsisartut inatsisaanni pineqartut, iluanni ilisimasat akuutinneqarnissaannut periarfissaqarneq ingerlatiinnarneqassaaq.

7. Sunniutaasussat annertuut allat

Siunnersuut allanik annertuunik sunniuteqassanngilaq.

8. Oqartussanut kattuffinnullu il.il. tusarniaaneq

Siunnersuut piffissami ulloq 12. junimiit ulloq 4. julimut Naalakkersuisut tusarniaanermut nittartagaanni tamanut saqumitinneqarpoq.

Siunnersuut aammattaq oqartussani, kattuffinni ilaalu ilanngullugit makkunani tusarniaassutigineqarpoq:

Naalakkersuisut Siulittaasuata Naalakkersuisoqarfia, Ineqarnermut Attaveqatiginnermullu Naalakkersuisoqarfik,
Aningaasaqarnermut Naalakkersuisoqarfik, Inuussutissarsiortnermut Nukissiuuteqarnermullu Naalakkersuisoqarfik, Aatsitassanut, Suliffeqarnermut Nunamullu Namminerimut Naalakkersuisoqarfik,
Ilinniartitaanermut, Kultureqarnermut Ilageeqarnermullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik,
Peqqissutsimut Ilisimatusarnermullu Naalakkersuisoqarfik, Isumaginninnermut, Inatsisinillu Atuutsitsinermut Naalakkersuisoqarfik, Mittarfeqarfiit, Nukissiorfiit, Royal Arctic Line, Kalaallit Nunaanni Politiit, Kalaallit Nunaanni Rigsombudsmandi, Upalungaarsimanermut aqutsisoqarfik, Arktisk Kommando, Illersornissamut ministereqarfik, Avatangiisinut Inuussutissanullu ministereqarfik, Avannaata Kommunia, Kommune Qeqertalik, Qeqqata Kommunia, Kommune Kujalleq, Kommuneqarfik Sermersooq, KANUKOKA, KTI (Kalaallit Nunaanni Teknikimik Ilinniarfik)

Tusarniaanermut akissuteqaatit katillugit 14-it tiguneqarput, makkunangaaneersut:

Arktisk Kommando

Kalaallit Nunaanni Politiit

Kommune Kujalleq

Qeqqata Kommunia
Nukissiorfiit
Naalakkersuisut Siulittaasuata Naalakkersuisoqarfia
Iinniartitaanermut, Kultureqarnermut, Iisimatusarnermut Ilageeqarnermullu
Naalakkersuisoqarfik
Kalaallit Nunaanni Rigsombudsmandi
Isumaginninnermut, Inatsisinillu Atuutsitsinnermut Naalakkersuisoqarfik
Ineqarnermut Attaveqaaqatigiinnermullu Naalakkersuisoqarfik
Peqqissutsimut Iisimatusarnermullu Naalakkersuisoqarfik
Aningaasaqarnermut Naalakkersuisoqarfik
Avatangiisinut Inuusutissanullu ministereqarfik
Illersornissamut ministereqarfik

Taamaattoq taamaallaat Arktisk kommando-mit, Kalaallit Nunaanni Politiinit kiisalu
Kommune Kujallermit tusarniaanermut akissuteqaatit siunnersuummut oqaaseqaatinik
imaqarput.

Tulliuttuni tusarniaanermut akissuteqaatini allannguutissatut siunnersuutit, tusarniaanerup
nalaani tiguneqartut, sammeneqarput. Oqaatigineqassaaq, tusarniaanermut akissuteqaatit
uingasumik allassimasut, taamaallaat pingaaruteqarnerinik nalilersuineq tunngavigalugu
pingaarnertiguinnaq issuarneqarmata.

Arktisk Kommando:

”Arktisk Kommando tusarniaanermut makkuninnga oqaaseqaatissaqarpoq.

*Arktisk Kommando naliliivoq, inatsimmik allanngortitsinermi, kommunip aallartitaata
Kalaallit Nunaanni kommunit tamaasa sinnerlugit oqaaseqarnissamut piginnaatitaanera
pillugu paasinngitsisisinnaasoq. Taamaattumik Arktisk Kommandop siunnersuutigaa,
upalungaarsimanermut atatillugu kommuninit aallartitaq kommunit tamaasa sinnerlugit
ingerlaannaq aammalu inatsisitigut pisussaaffiliisumik oqaaseqarsinnaalerlugu,
piginnaatitaaneq erseqqissarneqassasoq.”*

Ilaasortat kommuninit ataatsimoorullugu toqqarneqartoq, kommunit tamaasa sinnerlugit
oqaaseqartassasoq soorunami naatsorsuutigineqarpoq. Tamatuma erseqqissarneqarnera
sukumiisumik piareersaalluni suliaqarneq malillugu pisariaqarpoq. Piffissaliussanut aamma
allanngortitsinerup suussusaanut tunngatillugu, tamatuma allanngortitsinermi
ilanngunneqarnissaa angumerineqarsinnaanngilaq.

*”Upalungaarsimanermut Ataatsimiititaliami ilaasortat tamarmik immikkut
sinniisussaqarnissaat pillugu siunnersuummut Arktisk Kommando tapersiivoq.”*

Naalakkersuisoqarfiup oqaaseqaat maluginiarpa.

*”Arktisk Kommandop eqqumaffigeqquaa § 10 imm. 3-imi inatsimmi allannguutissatut
siunnersuummi kukkuneqartoq, tassani Trafikstyrelsen, Rescue Coordination Centre (RCC)-
tut allassimalluni. Tamanna eqqortuujunnaarpoq, tassami Illersornissamut ministereqarfiup
1. januar 2014 aallarnerfigalugu BKG 1387, 28. november 2013-imeersoq ”Ministerit
akornanni ingerlatsinerup agguagaanerani allanngortitsineq pillugu nalunaarut, § 2
naapertorlugu naalakkersuinikkut akisussaaffik taanna tigusimammagu. Kalaallit Nunaanni
ujaasisarneq annaassiniartarnerlu pillugit assartuussinnermut ministerip suliaasaqarfiani*

suliassanut tamaginnut naalackersuinikkut akisussaaffik assartuussinermut ministerimit illersornissamut ministerimut 1. januar 2014 aallarnerfigalugu nuunneqarput, suliassat timmisartut aaqqissugaanerannut atortuinullu kiisalu inuttat ilinniartitaanerannut tunngasut pinnagit”.

Arktisk Kommando taamaalilluni Kalaallit Nunaanni imaani timmisartumillu annaassiniarnermut akisussaasuvoq, aammalu suliassap isumagineqarneranut Joint Rescue Coordination Centre (JRCC) ingerlataralugu. Illersornissamut ministereqarfiup aammattaaq Aasiaat Radio-mut, upalungaarsimanermi tamarmiusumi ilaasumut, naalackersuinikkut akisussaaffik tiguaa. Arktisk Kommando sinerissami raatioqarfiit suliaqarnerannik nakkutilliisuvoq.”

Naalackersuisoqarfiup oqaaseqaat tusaatissatut tiguaa aammalu siunnersuut allatut allallugu, taamaalilluni trafikstyrelsen (RCC) Inatsisartut inatsisaanni § 10, imm. 3-imi peerneqarluni.

Kalaallit Nunaanni Politiit:

”Avatangiisinut Pinngortitamullu Naalackersuisoqarfiup Kalaallit Nunaanni annaassiniarnissamut upalungaarsimaneq il.il. pillugit Inatsisartut inatsisaata allanngortinneqarnissaa pillugu Inatsisartut inatsisissaannut siunnersuummut oqaaseqaateqarnissannik e-mail-imi 11. juni 2018-imeersumi qinnuigaanga.

KANUKOKA-p inatsimmit peerneqarnissaa pisariaqartoq aammalu tassunga atatillugu aaqqiissutissarsisoqartariaqartoq isumaqatigaara, taamaaliornikkut Upalungaarsimanermut Ataatsimiititaliami kommunit sinniisoqartillugit.

Aaqqiissutissap inatsisissatut siunnersuummi nassuiarneqartup aarlerissuteqalersippaanga.

Paasinninnera malillugu ilaatigut Upalungaarsimanermut Ataatsimiititaliami sunniuteqarluartumik aalajangiinissamut suliap ingerlanissaanut, ilaasortat tamarmik kattuffitik pineqartut sinnerlugit aalajangiinissamut, pisussaaffiliisunik isumaqatigiissuteqarnissamut minnerunngitsumillu aalajangiinerit isumaqatigiissutigineqartut ingerlaannaq piviusunngortinnissaasa qulakkeernissaanut aammalu tamatuma kingorna suliassaqarfimmik iluanni aningaasaqarnikkut akisussaaffeqarnerminnik nassuerutiginninnissamut, tamakkiisumik piginnaatitaanissaat, aalajangiisuulluinnartumik pingaaruteqarpoq. Tamanna pingaartumik ajornartoornerit ingerlasut iliuuseqarfigineqarnerisa nalaanni pingaaruteqarpoq.

Isumanga malillugu aaqqissuussinermi nassuiarneqartumi, aallartitat piginnaatitaanerisa qularutigineqalersinnaanerata, mattunneqarsinnaassanngilaq – pingaartumik kommunimut/kommuninut pineqartumik toqqaasimangitsunut tunngatillugu.

Kommuninit allartitap piginnaatitaanerata inatsimmi aalajangersarneqarnera aammalu kommunit pisussaaffiisa erseqqissumik nassuiarneqarnerat, ajornartorsiummi matuma siuliani taaneqartumi aaqqiissutaasinnaassaaq.”

Upalungaarsimanermut Ataatsimiititaliami ilaasortat oqartussat sinniisuuffigisatik sinnerlugit oqaaseqartarnissaat naatsorsutigineqartariaqartoq Naalackersuisoqarfiup isumaqatigaa. Taamaattoq Naalackersuisoqarfik isumaqarpoq, allannguutissatut siunnersuut taanna sioqqullugu sukumiisumik piareersaalluni suliaqarnissaq pisariaqartoq. Taamaattumik

piffissaliussanut aamma allangortitsinerup suussusaanut tunngatillugu, tamatuma allangortitsinermi ilanngunneqarnissaa angumerineqarsinnaanngilaq.

”Aammattaaq kommunit allartitaata piginnaatitaanera pillugu ajornartorsiut matuma siuliani taaneqartoq, aamma Kalaallit Nunaanni Upalungaarsimasut inuttaannut tunngatillugu atuuttoq, eqqumaffigeqqussavara. Tassunga atatillugu siunnersuutigissavara, inatsisip allangortinneqarnerani matumani aamma tamanna aaqqiissutissarsiniarneqassasoq.”

Naalackersuisoqarfik siunnersuummut isumaqataavoq, kisianni piffissaliussanut aamma allangortitsinerup suussusaanut tunngatillugu, tamatuma allangortitsinermi maannakkut ilanngunneqarnissaa angumerineqarsinnaanngilaq.

”Tamatuma saniatigut isumaqarpunga Upalungaarsimanermut Ataatsimiititaliami siulittaasup tulliatut inissisimaneq tunngaviumik ajornartorsiutitaqartoq. Siulittaasup pisinnaajunnaarnerani, ataatsimiititaliami ataatsimiinnerup aqunneqarnerata inummit upalungaarsimanermut suliassaqarfimmut periusissatigut ulluinnarni attuumassuteqartumit aammalu Upalungaarsimanermut Ataatsimiititaliap Allattoqarfiani sulisunik atuisinnaasumit isumagineqarnissaa, isumaga malillugu pingaaruteqartorujussuuvoq. Taamaattumik siulittaasup tulliatut inissisimaneq, Avatangiisnut Pinngortitamullu Naalackersuisoqarfimmi sulisumit pisortatut inissisimasumit isumagineqassasoq, inatsimmi allassimassasoq siunnersuutigissavara.”

Taamatut isummersornermut Naalackersuisoqarfik isumaqataavoq aammalu § 4, imm. 2 allatut oqaasertalerlugu, taamaalilluni maannakkut aalajangerneqarluni, siulittaasup pisinnaajunnaarnerani sinniisussap siulittaasoqarfik isumagissagaa. Sinniisussaq Naalackersuisunit toqqagaavoq, taamaattumillu Kalaallit Nunaanni Politiinit siunnersuut akuerineqarsinnaassaaq.

”Küsalu inatsimmi sunniutaasumik iluarsisooqassasoq aaqqiisuinermit tunnganerusumik qinnutigissavara, taamaalilluni ”Kalaallit Nunaanni Politimesteri” taarserneqassalluni imaalerlugu ”Kalaallit Nunaanni Politiit”.

Naalackersuisoqarfiup sunniutaasumik iluarsiinissaq inatsimmi ilannguppaa.

Kommune Kujalleq:

”Kommune Kujalliup inassutigaa, ilaasortamik inassuteqarnissaq pillugu kommunit akornanni isumaqatigiittoqarsinnaasimanngippat, kommunit amerlanerussuteqartut ilaasortamik toqqaasinnaasut, toqqaannarnerusumik inatsisip oqaasertaanni allassimassasoq.”

Naalackersuisoqarfiup oqaaseqaat § 4 imm. 2-imi ilannguppaa.

”Siunnersuummi nr. 2-imut tunngatillugu (annaassiniarnermut upalungaarsimasunut aningaasarsianut atorfininnermilu atugassarititaasut pillugit § 8-ip allangortinneqarnera) Kujalliup oqaatigaa, kommunit aqutsinermit inatsit naapertorlugu Namminersorlutik Oqartussanut tunngatillugu isumaqatiginninniarnermi inissisimanagerat suli paasinarsisinneqanngitsoq, tassami Isumaqatiginninniarnernut Isumaqatigiüssuteqarnernullu ataatsimiititaliaq, KANUKOKA-p atorunnaarsinneqarnerata kingorna, Naalackersuisut

kattuffinnut qitiusumiittunut isumaqatiginninniarnernut kommunit sunniuteqarnerannik nassuiaaviusoq, pillugu iluarsisamik suli isumaqatigiissuteqartoqanngimmat. Kommunit isumaqarput isumaqatiginninniarnerni § 8-imi nassuiarneqartuni, kommunini aqutsinermut inatsimmi isumaqatiginninniarnernut ilusiliineq nalinginnaasoq malinneqartussaasimangippat, tamanna toqqaannartumik inatsisip oqaasertaanni allassimasariaqartoq”.

Naalackersuisoqarfiup matuma siulianiittut tusaatissatut tiguai aammalu nammineq oqaatigalugu § 8-imi isumaqatiginninniarnernut ilusiliineq nalinginnaasoq malinneqartariaqartoq, tamannalu aamma suliaqarnermi pisartoq, takuuk ”Kalaallit Nunaanni qatserisartuni sulisunut Naalackersuisut aamma Sulinermik Inuussutissarsiuteqartut Kattuffiata akornanni isumaqatigiissut.”

Taamaattumik Naalackersuisoqarfiup siunnersuut iluarsivaa, taamaalilluni allassimalerluni, akissarsiat aningaasarsiallu Naalackersuisut aamma kattuffiit isumaqatiginninniarsinnaatitaasut akornanni isumaqatiginninniarneq malillugu aalajangersarneqartassasut.

”Tusarniaanermut killiliussaq ulluinnarmi nal. 12 naasussanngortinneqarsimammat, aammalu ulloq taanna naasussanngortiinnarneqarsimanani, kommunip aammattaaq eqqumiigaa.”

Naalackersuisoqarfiup oqaaseqaat maluginiarpaa, taamaattoq taanna siunnersuutip suliatigut imarisannut tunngassuteqarani.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Kalaallit Nunaanni annaassiniarnissamut upalungaarsimaneq aamma ikualattoornissamik qaartoornissamillu pitsaaliuinermi iliuusissat pillugit Inatsisartut inatsisaanni § 3-imi aalajangersarneqarpoq, Naalakkersuisut upalungaarsimanermut ataatsimiititaliamik, Kalaallit Nunaanni upalungaarsimaneq pillugu apeqqutini Naalakkersuisunut siunnersuisartussamik, pilersitsissasut. Upalungaarsimanermut Ataatsimiititaliap suliassaraa Kalaallit Nunaannut upalungaarsimanermut pilersaarummik suliqaarnissaq aammalu ajutoornerni annertunerusuni aamma ajunaarnersuaqarnerani imaluunniit pisariaqartitsineq malillugu aggersarneqartassalluni. Upalungaarsimanermut Ataatsimiititaliaq Naalakkersuisunut aamma naalagaaffimmi oqartussanut paasissutissiinernut tunngavissanik tamakkiisunik tunniussisassaaq aammalu upalungaarsimanermut pilersaarut naapertorlugu oqartussat ingerlataanni akuusunik ataatsimoortitsisassalluni.

Suliassat taakkua pingaaruteqartut tunngavigalugit § 4-imi aalajangersarneqarpoq, upalungaarsimanermut Ataatsimiititaliaq 7-inik ilaasortaqaassasoq, ilaatigut Naalakkersuisunit aamma KANUKOKA-mit kiisalu Nakorsaq Peqqinnissakkut Nakkutilliisumit, ilaatigut naalagaaffimmi oqartussanit, Kalaallit Nunaanni Politimesterimit, Grønlands Kommando-mit aamma Kalaallit Nunaanni Rigsombudsmandimit toqqagaasussanik. Tamatuma saniatigut Inatsisartut inatsisaanni § 4-imi aalajangersarneqarpoq, avatangiisinut aamma peqqissutsimut naalakkersuisoqarfinni suliassaqarfii tamarnik immikkut aalajangiisussaataitanani peqataasartussamik toqqaassasut.

Upalungaarsimanermut Ataatsimiititaliami kommunit sunniuteqarnerisa attatiinnarnissaa pingaaruteqartoq naliliisoqarpoq, Upalungaarsimanermut Ataatsimiititaliap kommuni suleqatigissallugu, aammalu kommunini ataasiakkaani atugassarititaasut ilisimanissaannut Naalakkersuisut, kommunit aamma naalagaaffimmi oqartussat akornanni suleqatigiilluni suliniuteqarnernik ataqatigiissitsinissaq pisariaqartoq ingerlanneqartariaqarluni.

Taamaattumik siunnersuutigineqarpoq, ilaasortamik KANUKOKA-mit toqqarneqartartumik, siunissami Kalaallit Nunaanni kommunit ataatsimoorlutik toqqaasassasut. Aammattaaq siunnersuutigineqarpoq ilaasortap taassuma upalungaarsimanermut Ataatsimiititaliami siulittaasup tulliatut toqqarneqartarnera attatiinnarneqassasoq. Kommunini ataatsimoorluni aalajangiineq, amerlanerussuteqartut akuersinerisigut aalajangiunneqarsinnaavoq.

Siunnersuutigineqarpoq, Upalungaarsimanermut Ataatsimiititaliami ilaasortanut tamaginnut sinniussaq ataaseq toqqarneqartassasoq. Taamaaliornermi ilaasortaq ataaseq arlallilluunniit pisinnaajunnaaraluartut ataatsimiititaliami sulinerup uninngaannanginnissaa qulakkeerneqassaaq. Upalungaarsimanermut Ataatsimiititaliaq Namminersorlutik

Oqartussanit allattoqarfimmi ikiorneqartartussaagaluartoq, siulitaasoq pisinnaajunnaarpat, Upalungaarsimanermut Ataatsimiititaliami siulittaasup suliassaasa siulittaasumut sinniisussamit isumagineqarnissaat naleqqunnerpaatut isigineqarpoq. Taamaaliornermi allartitap uparlungaarsimanermut Naalakkersuisumit toqqarneqartup, allattoqarfimmi sulinermik ataqatigiissaaressusaanissaa qulakkeerneqassaaq.

§ 4, imm. 1-imi aamma 2-imi oqaasertaliinermit atuuttumut tunngatillugu, Kalaallit Nunaanni Politimesterimut taaguutip Kalaallit Nunaanni Kalaallit Nunaanni Politiinut allangortinneqarluni aammalu Grønlands Kommando Arktisk Kommando-nngorlugu allangortinneqarluni, allangortitsisoqarpoq.

Nr. 2-imut

§ 5, imm. 2-imi allangortitsineq aqqissuinermit tunngassuteqarpoq. Kalaallit Nunaanni Politimesterip tikkuarpaa sullissivini Kalaallit Nunaanni Politiitut taagorneqartariaqartoq.

Nr. 3-imut

§ 6, imm. 2-imi allangortitsineq aqqissuinermit tunngassuteqarpoq. Kalaallit Nunaanni Politimesterip tikkuarpaa sullissivini Kalaallit Nunaanni Politiitut taagorneqartariaqartoq.

Nr. 4-imut

Inatsisartut inatsisaanni atuuttumi § 8-imi aalajangersarneqarpoq, annaassiniarnermut upalungaarsimasut akissarsiaqartinneqarnerat aningaasarsiaqartinneqarnerallu maleruagassat Namminersorlutik Oqartussat aamma KANUKOKA-p akornanni isumaqatiginninniarneq malillugu aalajangersarneqartut malillugit pissasoq.

Tamanna allangortinneqassasoq siunnersuutigineqarpoq, Naalakkersuisut aamma kattuffiit isumaqatiginninniarsinnaatitaasut akornanni isumaqatiginninniartoqartassalluni. Kommune Kujallermit tusarniaanermut oqaaseqaatit aamma Naalakkersuisoqarfiup oqaaseqaatai innersuussutigineqarput.

Nr. 5-imut

Inatsisartut inatsisaanni § 10, imm. 3-imi danskit oqartussaasuisa taaguutaat, Statens Luftfartsvæsen aamma Grønlands Kommando, allassimapput. Grønlands Kommando maannakkut ateqarpoq Arktisk Kommando aammalu 2014-imiit atuutilersumik Statens Luftfartsvæsen-imit suliassat attuumassuteqartut tigusimallugit. Arktisk Kommando paasisutissiivoq tuluttut taaguut maannakkut tassaasoq Joint Rescue Coordination Center (JRCC), taannalu inatsisip oqaasertaani allanneqarpoq. Taamaattumik § 10, imm. 3-imi allangortitsineq aqqissuinermit tunngassuteqarpoq.

§ 2-imut

Siunnersuutigineqarpoq Inatsisartut inatsisaat ulloq 1. januar 2019 atuutilissasoq. KANUKOKA-p qanga atorunnaarsinneqarneranut tunngatillugu piffissaq atuutilerfissaa aalajangiisuunngilaq. Tamanna § 2, imm. 2-imi erseqqissarneqarpoq, tassani siunnersuutigineqarluni upalungaarsimanermut Ataatsimiititaliami siulittaasup tulliatut KANUKOKA-mit toqqagaasoq, Inatsisartut inatsisaanni maleruagassat nalinginnaasut malillugit ilaasortaajunnaarnissami tungaanut taamatut atuunera ingerlaannassasoq.

Upalungaarsimanermut Ataatsimiititaliami siulittaasup tullianut tunngatillugu taamaalilluni, kommunit ataatsimoorlutik siulittaasup tullianik toqqaanissaasa tungaanut, KANUKOKA atorunnaarsinneqarnerasoq apeqqutaatinnagu, siulittaasup tulliatut ingerlaannarsinnaavoq. Taamaaliornermi maannakkut ilaasortaasoq toqqaqqinneqarsinnaavoq.